



NEVADA SECRETARY OF STATE

PARA SA AGARAN NA PAGLABAS

Nobyembre 4, 2024

CONTACT: Cecilia Heston

Opisyal ng Pampublikong Impormasyon

SOSPIO@sos.nv.gov

Inihahanda ng Kalihim ng Estado na si Francisco Aguilar ang mga taga-Nevada para sa 2024 Pangkalahatang Halalan at timeline ng mga resulta

CARSON CITY, NV – Hinihikayat ng Kalihim ng Estado ng Nevada na si Francisco Aguilar ang mga botante sa Nevada na manatiling nakatuon sa buong Araw ng Halalan at sa mga araw pagkatapos ng halalan.

"Ang Nevada ay isang napakahalagang estado sa larangan ng labanan, at nasasabik akong makita ang mas maraming taga-Nevada na magpaparinig sa kanilang mga boses bukas at makakaapekto sa kinabukasan ng ating bansa," **ani ni Kalihim Aguilar**. "Ang mga opisyal ng halalan ay naghahanda para dito nitong huling dalawang taon, at inaasahan namin ang isang maayos at ligtas na araw ng halalan para sa mga botante at manggagawa sa halalan."

"Napakahalaga na malaman ng mga botante ang potensyal na pangangailangang pag-ayos ng kanilang mga balota, upang matiyak na maririnig ang kanilang mga boses at mabibilang ang mga boto," **Patuloy ni Kalihim Aguilar**. "Ito ay lalong mahalaga para sa mga batang botante na maaaring walang nakasanayang lagda o mas matatandang mga botante na ang mga lagda ay nagbago sa paglipas ng panahon."

Ang Kalihim ng Estado na si Francisco Aguilar ay magkakaroon ng media availability sa buong Araw ng Halalan. Mangyaring mag-RSVP sa SOSPIO@sos.nv.gov para sa karagdagang impormasyon.

Timeline ng Mga Resulta:

- **Gabi ng Halalan:** Ang mga unang resulta ay ipo-post sa Results.NV.gov pagkatapos makumpirma ng Opisina ng Kalihim ng Estado ang lahat ng botohan sa Nevada ay sarado at ang huling botante ay bumoto. Ang mga botante na nakapila hanggang 7pm ay dapat manatili sa pila at papayagang bumoto.
 - Kasama sa unang batch ng mga resulta ang mga balotang pinadala sa koreo na natanggap bago ang Araw ng Halalan, at mga resulta ng Maagang Pagboto nang personal



NEVADA SECRETARY OF STATE

- Ang mga personal na resulta sa Araw ng Halalan ay isasama sa isang kasunod na pag-upload ng data habang ang mga county ay nagtatala at ipinapadala sa aming Opisina
- Nobyembre 9: Deadline para sa mga opisyal ng halalan ng county na tumanggap ng mga balotang pinadala sa koreo na may tatak sa koreo sa o bago ang Araw ng Halalan (Nobyembre 5)
- Nobyembre 12: Deadline para sa mga botante na ayusin ang kanilang mga balota
- Nobyembre 15: Canvass ng pangkalahatang ulat ng halalan ng bawat lupon ng mga komisyoner/superbisor ng county
- Nobyembre 26: Canvass ng pangkalahatang ulat ng halalan ng Korte Suprema ng Nevada
- Disyembre 17: Pagpupulong ng electoral college

Higit pang mga detalye sa timeline para sa tabulasyon ng mga resulta ay matatagpuan [dito](#).

Pag-ayos ng Lagda:

- Ang batas ng Nevada ay nag-aatas sa mga opisyal ng halalan na gamitin ang iyong lagda upang kumpirmahin ang iyong pagkakakilanlan kapag bumoto ([NRS 293.269927](#) at [NRS 293.285](#)). Kung ang Klerk ng iyong county o Opisina ng Tagapagrehistro ay may anumang mga katanungan sa iyong lagda (kung ang iyong lagda ay hindi tugma, o ang iyong pirma ay nawawala, atbp.), susubukan nilang makipag-ugnayan sa iyo upang i-verify ang iyong balota. Ito ay bahagi ng proseso ng 'signature curing' upang matiyak ang seguridad ng balota at matiyak na mabibilang ang iyong balota.
- Ang pag-uupdate ng iyong contact information sa [VOTE.NV.gov](#) ay nagtitiyak na ang iyong lokal na opisyal ng halalan ay maaaring makipag-ugnayan sa iyo at mabilang ang iyong balota bago ang huling araw.
- Ang mga istatistika sa bilang ng mga balota na nangangailangan ng isang pag-ayos ng lagda ay nakalakip at patuloy na ia-update [dito](#).
-

Maaaring maantala ng timeline ng pag-ayos ng lagda ang mga hindi opisyal na tawag ng media at mga ikatlong partido na data analyst para sa mga karera sa Nevada hanggang matapos ang pagsasara ng panahon ng pag-ayos sa ika-12 ng Nobyembre.

Ang Opisina ng Kalihim ng Estado ay gumawa ng mahahalagang hakbang upang mapabilis ang proseso ng pag-aayos ng lagda at tulungan ang mga county upang matiyak na ang mga balota ng mga botante ay mabibilang bago ang huling araw. Bago ang 2024 Pangkalahatang Halalan,



NEVADA SECRETARY OF STATE

nagpadala ang Estado at mga county ng signature update card para hikayatin ang mga botante na i-update ang lagda sa file at babaan ang bilang ng mga balota na mangangailangan ng pag-ayos. Mahigit 200,000 signature cure update card ang naibalik sa buong Estado.

Magpapadala rin ang Opisina ng mga text message sa mga botante na kailangang ayusin ang kanilang balota sa mga darating na araw.

Ang Opisina ay patuloy na nagre-review ng data sa pag-ayos ng lagda at nagpadala ng patnubay sa mga county (nakalakip) upang matiyak na ang proseso ng pag-verify ng lagda ay inilalapat nang pantay sa buong estado at alinsunod sa batas ng estado.

Seguridad sa Halalan:

- Ang Task Force ng Kalihim ng Estado sa Integridad ng Halalan, isang grupo na binubuo ng pederal, estado at lokal na tagapagpatupad ng batas, ay naka-standby sa buong Hilaga at Timog Nevada sa Araw ng Halalan upang tugunan ang anumang pisikal o cybersecurity na mga isyu na maaaring lumabas.
- Ang pangkat ng pagsisiyasat sa halalan ng Opisina, na binubuo ng dalawang sibil na imbestigador at isang kriminal na imbestigador, ay patuloy na tumitingin sa mga ulat ng mga paglabag sa batas ng halalan upang matiyak na ang mga botante at manggagawa sa halalan ay may ligtas at matagumpay na halalan.
 - Ang sinumang nag-iisip na nakasaksi sila ng paglabag sa batas ng halalan ay maaaring mag report nito sa aming tanggapan sa pamamagitan ng isang [Ulat sa Paglabag sa Integridad ng Halalan](#).
 -
- Ang bagong sistema ng Pagpaparehistro ng Botante at Pamamahala ng Halalan ng Kalihim ng Estado na ipinatupad bago ang Pangkalahatang Halalan ng 2024 ay nagpapahusay ng mga pananggalang upang mahuli ang dobleng mga botante sa oras ding iyon, protektahan ang mga opisina ng county laban sa mga pag-atake sa cybersecurity at palakasin ang pagmemensahe sa pagitan ng mga manggagawa sa botohan at mga opisina ng halalan ng county.

Mga Karaniwang Itinatanong:

1. Maaari pa ba akong magparehistro para bumoto at bumoto sa halalan ngayong taon?



NEVADA SECRETARY OF STATE

- Oo, pinapayagan ng Nevada ang Parehong Araw ng Pagpaparehistro ng Botante na may valid ID. Maaari kang magparehistro upang bumoto at bumoto sa anumang lokasyon ng botohan sa iyong county hanggang sa pagsasara ng mga botohan. Matuto pa [dito](#).
-
- 2. Ligtas ba ang mga halalan sa Nevada?
 - Ang mga halalan sa Nevada ay ilan sa mga pinakaligtas at accessible na halalan sa bansa. Walang ebidensya ng malawakang pandaraya sa kasaysayan ng Nevada.
- 3. Nakakonekta ba sa internet ang mga makina sa pagboto?
 - Hindi, ang mga makina sa pagboto ng Nevada ay hindi konektado sa Internet. Ito ay bahagi ng mga hakbang na ginawa upang matiyak ang seguridad at integridad ng proseso ng pagboto.
- 4. Ang mga balota ba na pinadala sa koreo ay isang ligtas na paraan ng pagboto?
 - Oo, ang mga balota na pinadala sa koreo ay isang ligtas at mahusay na paraan ng pagboto. Gumagamit ang mga balota na pinadala sa koreo ng mga espesyal na bar code na ginagawa nitong kakaiba ang bawat boto. Ang isang duplicate ay na-flag sa aming sistema ng pamamahala ng botante at ire-refer para sa imbestigasyon. Illegal ang pagboto o pagtatangkang bumoto ng dalawang beses sa isang halalan.
- 5. Paano ko malalaman kung ang isang text message, email o sulat ay nagmumula sa aking mga opisyal ng halalan o spam?
 - Kung may mga tanong o alalahanin ang mga botante tungkol sa anumang mensahe o sulat na natatanggap nila tungkol sa mga halalan sa Nevada, mangyaring makipag-ugnayan sa Dibisyon ng Halalan sa Opisina ng Kalihim ng Estado sa pamamagitan ng pagtawag sa (775) 687-VOTE ((775) 687-8683) o sa pamamagitan ng email sa nvelect@sos.nv.gov.
- 6. Paano ko maa-access ang impormasyon ng halalan sa aking sariling wika?
 - Lubos na nadagdagan ng Opisina ng Kalihim ng Estado ang mga mapagkukunan ng pag-access sa wika para sa mga botante, kabilang ang isang tele-interpretive na linya ng telepono na may higit sa 200 mga wika na magagamit. Matuto pa [dito](#).
 -
- 7. Ang mga hindi mamamayan ay nagpaparehistro para bumoto at bumoto sa mga halalan sa Nevada.
 - Tanging ang mga mamamayan ng Estados Unidos ang karapat-dapat na bumoto sa mga halalan sa Nevada. Marami nang mga pananggalang na nakalagay upang



NEVADA SECRETARY OF STATE

maiwasan ang pagboto ng mga hindi mamamayan, o sinumang hindi karapat-dapat na bumoto. Ang anumang pag-aangkin ng isang malawakang problema ay mali at lumilikha lamang ng kawalan ng tiwala sa ating mga halalan.

8. Paano pinananatiling malinis ng Nevada ang mga listahan ng mga botante nito?

- Ang mga listahan ng mga botante ay patuloy na ina-update at minementena ng mga opisyal ng halalan ng county. Araw-araw ay nagdaragdag ng mga bagong botante, inaalis ang mga namatay na botante, at inilalapat ang mga update batay sa mga input ng botante. Ang mga listahan ay patuloy na nililina sa pamamagitan ng maingat na proseso na kinasasangkutan ng opisyal na gawain sa halalan at paglahok ng mga botante.

9. Ano ang ginagawa ng Nevada para maiwasan ang pandaraya ng botante?

- Mayoong mga pananggalang sa bawat hakbang ng proseso ng elektoral upang maiwasan ang pandaraya sa halalan. Ang Opisina ng Kalihim ng Estado ay nagpapatupad ng iba't ibang pamamaraan upang matiyak ang seguridad sa halalan at sinisiyasat ang bawat ulat ng potensyal na pandaraya sa halalan. Ang mga taga-Nevada ay maaaring mag report ng mga potensyal na paglabag sa batas sa halalan sa opisina sa pamamagitan ng paghahain ng isang [Ulat sa Paglabag sa Integridad ng Halalan](#).

10. Dati akong nakakulong, maaari ba akong bumoto sa mga halalan sa Nevada?

- Ang sinumang karapat-dapat na mamamayan ng Nevada na nahatulan ng isang felony ay may karapatang bumoto kaagad na ibinalik sa paglabas mula sa bilangguan.

11. Ang pagboto sa pangkalahatang halalan ba ay makakapigil sa akin na bumoto sa aking lokal na halalan ng tribo?

- Hindi, maaari kang lumahok sa parehong halalan ng iyong tribo at estado/pederal na halalan.

Maghanap ng higit pang impormasyon sa 2024 Ikot ng Halalan [dito](#).

###